

代殿試考略
藏園居士自題



350.91
S2343


江安傅增湘先生著

清代殿試畧

天津大公報社印行

臣計臣聞世大聰明惟聖時靈國家當太平誠應有持
保泰之心尤必有震動洛陽之氣願聖體聖體此

面封卷原策試殿生先叔沅傳



記者也標臣卷即加入葉背印此套式行後慶考同時皆均入空卷脚頭其歲頗以中舒寸廣卷策殿先沅此附編識之大讀圈入有一卷附如大格通以嘉詳不隆興行白尾及著拾縮為後葉隆視尺高原試生叔傳

傅沅生先生殿試策原卷背面

此卷背標識彌封式

彌封官關防

彌封官關防

龍徐溥唐何綿梁胡

●●●●●●●●●●

(11)

清代殿試考略

附繆彤臚傳紀事 殿試策目錄

舊史官傳增湘輯述

周天授初。武后策貢士於洛城殿。此爲殿試所由昉。宋進士諸科。秋取解。冬集禮部。春考試。合格者。放榜於尙書省。開寶六年。殿試貢士。遂爲永制。八年。始分三甲。今所傳紹興同年小錄。寶祐登科錄。可考見其制度也。元時殿試。分左右兩榜。南人爲左榜。明洪武四年。太祖始策問。會試中式者。於奉天殿。賜一甲三人進士及第。二甲進士出身。三甲同進士出身。以次授官。清順治三年。丙戌開科。即循其制。夫科舉考試。爲國家掄才大典。一代名臣碩學。多出其途。殿廷發策爲士子考試之終。亦爲仕宦登進之始。得失升沈。決於一日。畢生不能再試。故士人特爲矜慎。而典制亦尤示尊崇。余自戊戌登科。殿試亦冒居上列。丹墀射策。金榜書名。勿勿已三十四年。回憶前塵。殆如夢境。加以桑海餘生。前代科名已成芻狗。貞元朝士寥若晨星。蓬山舊話。徒增東京夢華之感。然近代考試之制。持國論者視爲要圖。至設立專院。以登進人才。中外人士。造廬諏訪。歲時不飽於門。指畫口占。疲於酬對。因追理前事。詳考典章。更就身所親歷。參以見聞。凡制度典禮源流。變遷

與夫瑣聞軼事略加詮次詳著於編愧非郊子之博識敢言殷禮之足徵涉筆之餘聊存故實以
附於李氏國史補王氏唐摭言之列俾異時治史籍者得以參稽斯幸矣至倉卒成篇疏陋之愆
自知不免覽者幸垂諒焉

舊制每科殿試內閣填榜後原卷即存內閣大庫嚴加扃鐫然累年積擱蟲鼠損過重以吏役盜
竊多已蕩落不完宣統元年因庫屋滲漏發帑重脩庫存檔案書籍點派侍讀中書等十人入庫
檢理移歸學部此試卷亦隨以往余戊午筦部務時查詢舊存試卷尙餘白木大箱六七因以簿
書之隙發篋躬自閱視凡歷科達人名士之卷咸已不存蓋移交時早爲識者取携以去矣乃降
而求康雍世族乾嘉學人及吾川先達故舊尙得百十卷其餘數千卷仍捆載入篋發交午門歷
史博物館余檢出各卷鎖置箱笥已越十年懼其久而散軼復重加董治區分類別彙而錄之其
仕歷可考者撮注下方而余之撰著此編亦緣是而發軔因附識之嗟夫此區區者固二百年以
來偏州下邑之士走千里之程抱平生之學持此爲拜賜廷獻之先資也雖工拙不齊然風會之
遷移章制之疏密胥由是而得其大凡後之覽者幸毋以敝屣視之可耳

舊制、每科會試、四月發榜、新進士覆試後、禮部具題請旨、二十一日、御試於保和殿、其禮節如下、

先一日、鴻臚寺官、設黃案、

一策題案、於殿內東旁、一黃案、丹陛正中、

光祿寺備試桌於東西閣檐下、至日、鑾儀衛

設鹵簿、大駕於殿前、禮部鴻臚寺官、導貢士於丹陛排立、單名左、雙名右、王公百官、朝服分立丹陛內外、皇帝升殿、作樂鳴鞭、內閣官捧策題、授禮部官、設黃案上、行禮後、舉案、降階、設丹墀御道正中、讀卷及執事各官各貢士、先後行禮、鑾儀衛軍校舉試桌列於丹陛東西、禮部官散題、貢士跪受、又行禮畢、乃各就試桌對策、受卷、掌卷、彌封等官、於檐下收封、用箱盛送、候分派讀卷官閱

順治初、定四月初一日殿試、康熙時、改五月初、乾隆十年、改四月二十六日、二十六年、乃定爲四月二十一日殿試、二十五日傳臚、其後遂爲永制、若康熙丁丑、於七月十三日殿試、則緣恩科春鄉秋會、雍正元二年、於十月殿試、亦以恩科故、非恒例也、

殿試後三日、讀卷大臣、進早前十本、在御前拆封、候欽定後、標甲第於卷面、傳前十名引見、謂之小傳臚、憶光緒戊戌科、四月二十四日、方駐蹕西苑、是日黎明、新貢士具冠服、入西苑

門齊集於太液池邊。凡京曹官與有親故者，亦隨入聽宣。冠纓千百，鵠立於長堤垂柳之中。候至辰巳之交，俄見一執事官，立長板橋頭。俗名蜈蚣橋手持黃紙寸許，傳呼人名，一唱百應。其聲雷動，傳至第九，余名在焉，相隨過橋，入小院排班序立。旋導入勤政殿，引見蒲伏墀下，口奏履歷三句而出。緣在苑中，初無繁重之禮式也。

按會典載，殿試後三日，御中和殿。

舊制殿試在太和殿，故小傳臚在中和殿，後改於保和殿試，則是日在乾清宮聽宣。

讀卷官至丹墀行

禮後，入殿讀卷。官居首者，執卷至御前，跪讀畢，御前大臣接卷，置御案，其餘各官以次進讀。如奉旨免讀，即捧卷同跪御前，候欽定。御批第一甲第一二三名畢，餘卷發內閣領收。讀卷官隨至內閣，將二甲第一名以下，拆卷填寫黃榜。

二十五日，大傳臚其禮制，特爲隆重。按會典載，是日早，鑾儀衛設鹵簿，大駕於殿前。王以下文武各官，朝服侍班。新進士具公服，冠三枝九葉頂冠，侍東西班末。禮部鴻臚寺設榜案於殿東，設黃案於丹陛，設綵亭於午門外。皇帝御殿，升座作樂，讀卷執事各官行禮畢，內院官取榜授禮部官，跪接，置於丹陛正中黃案，再行禮。鴻臚寺官引新進士入位，跪聽制書，鳴贊。官傳制，某年月日，策試天下貢士，第一甲賜進士及第，第二甲賜進士出身，第三甲賜同進

士出身，贊第一甲第一名某，傳令出班前跪，次贊第二三名同，後贊第二甲第一名某等若干名，第三甲第一名某等若干名，畢行三跪九叩禮退。禮部官舉榜以雲盤承榜，導以黃蓋，由中路至午門前，置龍亭內，行禮作樂，校尉舉亭行至長安左門外，張榜於長安街。狀元以次隨榜出，順天府備繖蓋儀從，送狀元歸第。

按昔人紀載言傳臚日，一甲三人，凡唱名三次，以寓慎重之意。臚唱畢，引狀元榜探前趨，至殿陛下迎榜。狀元獨稍前，進中陛石上，榜亭出，惟一甲三人隨由午門正中而出。親王宰相無此異數。蓋丹陛中石，惟御駕得踐，午門中路非御蹕不啟也。順天府尹於東長安門外設綵棚，爲鼎甲遞酒簪花，騎馬穿正陽門而出，此亦隆異之禮數也。

臚傳翼日，爲禮部恩榮宴，即瓊林宴也。宴設於禮部，欽命內大臣一人爲主席，讀卷官、鑾儀衛使、禮部尚書侍郎以及受卷、彌封、收掌、監試、護軍參領、填榜、印卷、供給、鳴贊各官咸與焉。司官朝服設席，按定各官制排列，主席大臣以次，每員上席一，受卷以下各官二員共上席一，一甲進士二甲第一名，三甲第一名，各中席一，餘者左二甲，右三甲，二人共中席一，主席大臣各官集金水橋，諸進士集禮部，席備光祿寺官請赴宴，排班贊拜如儀，儀制司官請簪

花。精膳司官視席和聲署作樂。序班引諸進士拜主席以次各官畢。光祿寺官捧壺注酒。先

酌主席三爵。及各就座。行酒供饌。和聲署升歌啟天門之章。宴畢。謝恩而退。赴宴時堂西北懸飛龍畫軸設

香案謝恩見石韞玉獨學廬詩注

賜宴時。俗有搶宴之說。主席及各官方離席。堂役等爭進。掠取食品懷之。喧呶競奪。盤盃飛舞。轟動一堂。雍正七年。有旨拏究。並令監試御史指名嚴參。二十九年。御史喀爾崇義參奏。此次筵宴。大臣所派護軍參領。並不嚴加管束。一任不肖之徒。擅將食物搶取。奉旨嚴究。然余戊戌赴宴時。其爭奪紊亂如故也。

二十八日。賜狀元帽披領帶等物。及進士拆鈔銀兩。

按會典載。臚傳後五日。於午門前領賞。賜狀元六品朝冠朝衣補服帶靴襪。進士各銀五兩。雍正元年。又定殿試進士二名以下。所賞銀物。改給表裏各一端。乾隆二十二年。有旨派侍郎二人。親自散給。

又按則例載。狀元給予金質簪花一枝。諸進士彩花。

二十九日。狀元率諸進士。上表謝恩。皇帝御太和殿。升座。鑾儀衛陳設鹵簿。大駕鴻臚贊引。

拜跪宣表，王公百官班侍，略如常儀。其表式，則前一科狀元授之，報以五十金，繕表由內閣供事之手，亦酬五十金，皆舊例也。表文典麗聿煌，相傳爲黃岡劉子壯所作，其文載養吉軒叢錄中。

五月初一日，狀元率諸進士詣先師孔子廟，行釋褐禮。按國子監志載：釋褐儀注，先准禮部知會日期到監，行文戶部移取花紅香燭酒果銀十五兩，照例備辦。是日晨，狀元率諸進士至集賢門外下馬，入持敬門，先行釋菜禮。先師孔子及四配，以一甲第一名主獻，東西哲位，以一甲第二三名分獻。東西廡以二三甲第一名各分獻。禮畢，釋褐，更補服，詣彙倫堂拜祭酒司業，至露臺下兩拜。曾入監者，升臺四拜。皆坐受，禮畢，設食案於座前。一甲三名面北立，祭酒司業遞酒三爵，簪花。諸進士由屬官接待如儀。禮部題請立題名碑於大成門外，工部給建碑銀一百兩。

按乾隆二年，有旨略言：唐時新進士榜後，於慈恩寺塔下題名立碑。自宋明以來，建碑國學，所以重科名也。考會典：釋菜後，工部給銀一百兩，交國子監立石。康熙三年，輔臣裁省，每科皆進士捐資，科目一途，用人取士所繫，題名之典，豈宜遺缺？著工部動用正項錢糧，將各科

即行補建云云故監中各科題名碑至清季不缺

一試卷格式

卷前面寫應○殿試舉人臣某第一開前半葉寫履歷四行其式如下

應

殿試舉人臣○○○年○○○歲係某省某府縣人由附學生應年號某某年鄉試中式由舉人應年號某某年會試中式今應

殿試謹將三代脚色並所習經書開具於後

一三代

曾祖某 祖某 父某

下填仕或不仕存或故

一 習某經 按嘉慶以後即不列此項

卷後面印朱文大木記文曰印卷官禮部某司某官臣某某 按國初印卷官皆三人嘉

慶以後祇二人

卷前面鈐禮部大官印文曰禮部之印

左滿文右漢文

卷背騎縫亦用此印交卷後由彌封所將

卷前人名及履歷一葉，摺疊成筒，用紙釘固，以紙糊之，加彌封，官關防，上下各一方。

一試卷葉數行格

國初試卷，用銀硃畫朱絲闌，爲十五開，前六開祇有上下雙闌，除前半開寫履歷，餘則爲彌封之用，後九開兼畫直行，爲寫策文之用。至嘉慶以後，卷前素葉祇有二開，其後畫直格者，亦減爲八開。

一試卷尺度紙層

國初卷高一尺五寸三分，寬四寸三分強。嘉慶以後，高一尺四寸，寬三寸七分弱。至卷紙厚薄，國初裱紙四層，後來加至七層矣。按乾隆四十八年，禮部議准言：向來殿試正卷，式樣甚長，字體亦大，士子書寫不易，請將卷式，照翰林散館卷式樣，字體畧小，繕寫稍易。云云，是卷式改小，自乾隆四十八年爲始，意其紙層加厚，亦始於此時矣。

一考試地址

試士之地，國初試於天安門外，嗣禮部請試於太和殿之東西階下，遇風雨，試於殿東西兩廡。雍正元年十月二十七日，殿試，天甚寒，特恩試於殿內兩旁，並傳諭總管太監，多置火爐。